

## lokal

**Kuala Lumpur:** Nasib golongan kurang bernasib baik terus disantuni menerusi Program PEKA2 Journey to Jannah: Sentuhan Kasih Gelandangan anjuran Universiti Malaysia Pahang (UMP), baru-baru ini.

Program berkenaan membabitkan 40 mahasiswa tempatan dan antarabangsa UMP dengan kerjasama Persatuan Kebajikan Insan Prihatin Pahang, Impactive MY, Pusat Islam UMP dan BubbleBee Malaysia.

Pengarah program, Anang Rustanto Suwito berkata, pihaknya amat teruja dalam menjalankan aktiviti kebajikan kepada golongan gelandangan.

"Kami sangat teruja ke-

### *Kongsi rezeki bersama gelandangan*



ANTARA mahasiswa tempatan dan antarabangsa UMP yang menyertai program berkenaan.

rana sudah sekian lama tidak merasai program program berbentuk kesukarelawanan di kawasan Banda-

raya Kuantan disebabkan oleh wabak Covid-19 yang melanda negara.

"Kami menjalankan prog-

ram ini pada jam 12 tengah malam hingga jam 3 pagi di bandar raya Kuantan, antaranya di kawasan UTC, Mas-

jid Negeri Pahang, Plaza Kuantan, Kompleks Teruntum dan kawasan sekitar. "Sumbangan yang diterima

dari orang ramai digunakan untuk memberi barang keperluan harian seperti kit kebersihan diri dan makanan bagi kegunaan mereka," katanya.

Selain itu, pihaknya turut menyerahkan bantuan makanan seperti biskut, roti dan air kotak serta selimut dan pakaian bagi kegunaan mereka pada waktu malam.

Beliau berkata, program berkenaan dilaksanakan dengan mematuhi segala prosedur operasi standard (SOP) yang ditetapkan.

Menurutnya, peserta program dilengkapi dengan pelitup muka dan sarung tangan getah sepanjang mendekati dan menyantuni golongan gelandangan.